

臨潼縣志

壹集

地理
建置

2-8-2

12

臨潼縣志卷八下

詩

白渠歌

漢 謠

田于何所櫟陽谷口鄭國在前白渠起後舉鍤如雲決渠
爲雨涇水一石其泥八斗且溉且糞長我禾黍衣食京師
億萬之口

溫泉

劉宋 劉義恭

秦都壯溫泉漢京麗湯泉炎德潛遠液暄波起茲源

浴溫泉

北齊 劉 逖

驪岫猶懷土新豐尙有家神井堪消疹溫泉足蕩邪紫苔

生石岸黃沫擁金沙振衣殊未已翻能停使車

唐高宗過溫湯

溫渚停仙蹕豐郊駐曉旌路曲迴輪影岩虛傳漏聲暖溜
驚湍駛寒空碧霧輕林黃疎葉下野白曙霜明眺聽良無
已煙霞斷續生

中宗登驪山高頂寓目

四郊秦漢國八水帝王都閭闔雄里閉城闕壯規模貫渭
稱天邑含岐寔奧區金門披玉館因此識皇圖

幸秦始皇陵

眷言君失德驪邑想秦餘政煩方改篆愚俗乃焚書阿房

久已滅閣道遂成墟欲厭東南氣翻傷掩鮑車

元宗溫泉對雪

北風吹同雲同雲飛白雪白雪乍迴散同雲何慘烈未見
溫泉水寧知火井滅表瑞良在茲庶幾可怡悅

惟此溫泉是稱愈疾豈余獨受其福思與兆人共之乘暇
巡遊乃言其志

桂殿與山連蘭湯湧自然陰崖含秀色溫谷吐潺湲續爲
蠲邪著功因養正宣願言將億兆同此共昌延

奉和聖製過溫湯

越王貞

鳳輦騰宸駕驪鑾次乾遊坎德疏溫液山隈派暖流寒氛

空外擁蒸氣沼中浮林凋帷影散雲斂蓋陰收霜郊暢元
覽參差落景迺

前題

王德貞

握圖開萬萬屬聖啟千年驪阜疏緹騎驚鴻映彩旂玉霜
明鳳野金陣藻龍川祥烟聚危岫煖氣溢飛泉停輿興睿
覽還舉大風篇

前題

楊思元

豐城觀漢迹溫谷幸秦餘地接幽王壘流分鄭國渠風威
肅文衛日彩鏡雕輿遠岫凝氛重寒叢對影疏迴瞻建章
闕佳氣滿宸居

前題

鄭義真

洛川方佇蹕豐野暫停鑾湯泉恒獨湧溫谷豈知寒漏鼓
依岩畔林風出樹端嶺烟遙聚草山月迥臨鞍侍從誠多
幸天文遂仰觀

白鹿觀

徐伯彥

風輿乘八景丹籙向三仙日月移平地雲霞綴小天金童
擎紫藥玉女獻青蓮花洞留宸賞還旗繞細煙

奉和幸新豐溫泉宮應制

武平一

秦王登碣石周后襲崑崙何必在遐遠方稱萬寓尊我皇
順時豫星駕動軒轅雄戟交馳道清笳度國門回輿長樂

觀校獵上林園行漏移三象連營總八屯旌搖鸚鵡谷旗
轉鳳凰原絕壁蒼苔古靈泉碧溜溫參差開水殿辟篠敞
巖軒豐邑模猶在驪宮迹尙存烟松銜翠幄雪徑繞花源
待從推元草文章召虎賁深仁浹夷夏洪造溢乾坤謬忝
王枚列多慚雨露恩

偶遊龍門北溪忽憶驪山別業因以言志示弟淑奉呈諸

大僚

韋嗣立

幽谷杜陵邊風煙別幾年偶來伊水曲溪嶂覺依然傍浦
憐芳樹尋崖愛綠泉嶺雲隨馬足山鳥向人前地合心俱
靜言因理自元短才叨重寄尸祿愧妨賢每挹挂冠侶思

從初服旋稻梁仍欲報歲月坐空捐助岳無纖塊輸溟謝
末涓還悟北轅失方求南澗田

奉和幸韋嗣立山莊侍宴應制

李 乂

樞掖調梅暇林園藝槿初入朝榮劍履退食偶琴書地隱
東巖室天迴北斗車旌門臨辟篠閣道屬扶疎雲罕明丹
壑霜笳徹紫虛水疑投石處溪似釣璫餘帝澤頒卮酒人
歡頌里閭一承黃竹咏長奉白茆居

奉和聖製登驪山高頂寓目

蘇 頲

仙蹕御層氛高高積翠分岳聲中谷應天語半空聞豐樹
連黃葉函關入紫雲聖圖恢寓縣歌賦少橫汾

扈從溫泉汎渭川得齊字

虹旗映綠萐春仗漢豐西侍蹕浮清渭揚舩降紫泥近臨
投石地遙指釣璜谿岸轉帆飛疾川平棹欲齊傳舟來是
用軒馭往應迷興闋菱歌動沙洲亂夕鷺

奉和聖製登驪山囑眺應制

張說

寒山上半空臨眺盡寰中是日巡遊處晴光遠近同川明
分渭水樹暗辨新豐岩壑清音暮天歌起大風

奉和聖製溫泉言志

溫泉媚新豐驪山橫半空湯池薰水殿翠木暖煙宮起疾
逾仙藥無私合聖功始知堯舜德心與萬人同

奉和聖製溫泉對雪應制

瑞雪對寒風，寒風入陰琯。
陰琯方凝閉，寒風復淒斷。
宮似瑤林布，庭如月華滿。
正歡挾纈詞，非近溫湯暖。

奉和幸韋嗣立山莊侍宴應制

寒灰飛玉琯，湯井駐金輿。
既得方明相，還尋大隗居。
懸泉珠貫下，列帳錦屏舒。
騎遠林逾密，笳繁谷自虛。
門旗塹複磴，殿幕表通渠。
舞鳳隨公主，雕龍起婕妤。
地幽天賞洽，酒樂御筵初。
菲才叨侍從，連藻媿應徐。

奉和聖製幸白鹿觀應制

洞府寒山曲，天遊日旰迴。
披雲看石鏡，拂雪上金臺。
竹徑

龍驂下松庭鶴轡來雙童還獻藥五色耀仙材

幸白鹿觀應制

崔湜

御旗探紫籙仙仗闢丹邱捧藥芝童下焚香桂女留鸞歌
無歲月鶴語記春秋臣朔其何幸常陪漢武遊

奉和聖製登驪山高頂寓目

趙彥昭

皇情遍九垓御輦駐昭回路若隨天轉入疑近日來河看
大禹鑿山見巨靈開願扈登封駕常持薦壽杯

奉和聖製登驪山高頂寓目

李嶠

步輦陟山巔山高入紫烟忠臣還捧日聖后欲捫天廻謁
平陵樹低看華嶽蓮帝鄉應不遠空見白雲懸

奉和聖製幸韋嗣立山莊應制

南洛師臣契東岩王佐屈幽情遺綬冕宸眷屬樵漁制下
峒山蹕恩廻灞水輿松門駐旌蓋薛幄引簪裾石磴平黃
陸煙樓半紫虛雲霞仙路近琴酒俗塵踈喬木千齡外懸
泉百丈餘崖深經煉藥穴古舊藏書樹宿搏風鳥池潛縱
壑魚寧知天子貴尙憶武侯廬

前題

萬騎千官擁帝車八龍三馬訪仙家鳳凰原上開青壁鸚
鵡杯中落紫霞

幸白鹿觀應制

沈佺期

紫鳳真人府斑龍太上家天流芝蓋下山轉桂旗斜坐藻
垂寒露仙杯落晚霞唯應問王母桃作幾時花

奉和聖製幸韋嗣立山莊應制

東山朝日翠屏開北闕晴空綵仗來喜遇天文七曜動少
微今夜近三臺

和黃門盧監望秦始皇陵

張九齡

秦帝始求仙驪山何遽卜中年既無效茲地所宜復徒役
如雷奔珍怪亦雲蓄黔首無寄命赭衣相追逐人怨神亦
怒身死宗遂覆土崩失天下龍闕入函谷國爲項籍屠君
同華元戮始掘既由楚終焚乃因牧上宰識楊賢中阿咸

桓速一聞過秦論載懷空杼軸

奉和聖製溫泉歌

有時神物待聖人去後湯還冷來時樹亦春
今茲十月自東歸羽旆逶迤上翠微
溫泉谷葱葱佳氣色離宮奕奕叶光輝
臨渭川近天邑浴日溫泉復在茲
群仙洞府那相及吾君利物心元澤浸蒼黔
漸漬神湯無疾苦薰歌一曲感人深

驪山下逍遙公舊居遊集

君子體清尚歸處有兼資雖然經濟日無忘幽栖時卜居
舊何所休澣嘗來茲岑寂罕人事幽深獲我思松澗聆清

風蘭林覽餘滋往事誠已矣道存猶可追遺子後黃金作
歌先紫芝明德有自來弈世皆秉彝豈與礪谿老崛起周
太師我心希碩人逮此問元龜怊悵旣懷遠沈吟亦省私
已云寵祿過况在華髮衰軒蓋有迷復邱壑無磷緇感物
重所懷何但止足斯

奉和姚令公扈從溫泉喜雪

萬乘飛黃馬千金狐白裘正逢銀霰積如向玉京遊瑞色
鋪地道花文拂綵旒還聞吉甫頌不共郢歌儔

從駕溫泉宮

徐安貞

神女調溫液年年待聖人試開臨水殿來洗屬車塵暖氣

隨明主恩波挾近臣靈威自無極從此獻千春

奉酬韋嗣立祭酒偶遊龍門北谿忽懷驪山別業

崔宗之

關塞臨伊水驪山枕灞川俱臨隱路側同在帝城邊謝公
兼出處携妓玩林泉鳴騶噴梅雪飛蓋曳松烟聞琴幽谷
裏看弈古岳前落日低帷帳歸雲繞管絃叨榮慙北闕微
尚愛東田寂寞灰心盡蕭條塵事捐朝思登嶄絕夜夢弄
潺湲宿懷南澗意况睹北谿篇

華清宮

皇甫冉

驪岫接新豐岩嶢駕翠空鑿山開秘殿隱霧蔽仙宮絳闕

猶棲鳳雕梁尙帶虹溫泉曾浴日華館舊迎風肅穆瞻雲輦
沉深閉綺櫳東郊倚望處瑞氣靄濛濛

溫湯即事

天仗星辰轉霜冬景氣和樹含溫液潤山入繚垣多丞相
金錢賜平陽玉輦過魯儒求一謁無路獨如何

登元元廟

古廟川原迴重門禁籞連海童紛翠蓋羽客事瓊筵御路
分隄柳離宮出苑田興新無向背望久辨山川物外將遺
老區中誓絕緣函關若遠近紫氣獨依然

奉和李令扈從溫泉宮賜遊驪山韋侍郎別業